

Et domino Baldissera di Scipion è con le zente terrestre da l'altra banda. In la terra sono da 300 fanti todeschi, zoè boemi 150 e altri che si dice non hanno farine ma ben assà formenti, et tien si renderano prima abino la bataglia; et che s'il desse la terra a sacco si aria subito. Scrive si mandi indrio sier Nicolò Vendramin sopradito, qual l'ha ajutato in molte cosse. Nota: questo è venuto qui per menar uno esplorator è preso.

Fu fato, subito lecto le letere, scurtinio di un provedador sora l'arsenal in luogo di sier Antonio Trun procurator ha refudado per esser in uno altro officio sora i debitori, et fu fato con boletini justa la leze. Rimase sier Anzolo Trivixan fo capitano a Padoa, qu. sier Polo, et acceptoe; sarà compagno di sier Zacaria Dolfin, col qual è stati *etiam* provedadori executori insieme a tempo di la guera dil Turco, et sono molto amicissimi. Il scurtinio è questo.

Scurtinio di un provedador sora l'arsenal, in loco di sier Antonio Trun procurator a Rialto.

- | | |
|---|---------|
| 1 Sier Vettor Michiel, fo di la zonta, qu. sier Michiel | 66. 116 |
| 3 Sier Piero Capelo, fo savio dil Consejo, qu. sier Zuan procurator | 79. 100 |
| 6 Sier Anzolo Trivixan, fo capitano a Padoa, qu. sier Polo | 125. 54 |
| 8 Sier Marco Antonio Loredan, fo Cao dil Consejo di X, qu. sier Zorzi | 56. 120 |
| 2 Sier Hironimo Contarini, è provedador zeneral a Trevixo, qu. sier Francesco | 66. 114 |
| 5 Sier Francesco Falier, fo Cao dil Consejo di X, qu. sier Piero | 89. 93 |
| 7 Sier Alvise Emo, fo capitano a Padoa, qu. sier Michiel | 27. 151 |
- non, Sier Francesco Foscarini, fo savio dil Consejo, qu. sier Filippo.

A dì 23, la mattina. In Colegio, reduti da basso perchè la sala si preparava per far il pasto, e fu fato 238 serivan sora i lidi in loco di . . . Brexan che morì, zoè li provedadori al sal ne elezeno di 17, 4, et questi 4 rimaseno a esser balotadi in Colegio, et rimase Alvixe Brexan fradelo dil defonto, che fo soto Andrea di Vivian etc.

Da poi disnar, fo Pregadi. Et fo per expedir le presenti in materia pecuniaria, et fo lete queste poche letere. È da saper, che di Roma nè di Franza el Pregadi intese le lettere, *imo* l'altro eri per il Consejo di X fo spazà lettere a Roma.

Di Padoa, di savii e provedadori. Zerca danari si manda. Et i nimici sono a Este e fanno monstre e danno danari.

Di Treviso, di sier Sebastian Moro podestà e capitano, e sier Hironimo Contarini provedador zeneral. Zerca dani e pagamenti fanno. E nota, è zorni 8 che per il Colegio fo dato licentia a dito sier Hironimo Contarini provedador, che compito de far la paga, vengi a repatriar; el qual è a Trevixo a sue spexe, come bon patricio.

Di Udene, dil locotenente, di 22. Come, avendo auto nova i nimici è a Gradisca col conte Cristoforo Frangipani per venir assaltar le nostre zente vano per recuperar Maran, de che non li parse restar di avisar di questo domino Baldissera di Scipion acciò con le zente si vengi a salvar in Udene; sichè quella impresa è difficile. *Item*, manda lettere aute da sier Alvise Gritti provedador di Monfalcon. Li scrive, i nimici averli mandà a dimandar quel loco, zoè uno capitano cesareo, e manda la lettera li ha scritto, minazandolo molto si non ge darà la tera etc. La qual lettera fo lecta in Pregadi, latina e ben ditata letera. *Item*, scrive esso locotenente di le provision el fa per conservar Udene, e come è pericolo non se perda Civald di Friul.

Fo, poi leto le lettere, lecte le opinion in materia pecuniaria. La prima, ch'è di sier Zorzi Emo e sier Andrea Gritti procurator, in la qual è sier Luca Trun consier e sier Zacaria Gabriel, sier Zorzi Pixani dotor e cavalier, sier Andrea Trivixan cavalier, consieri. Di tansar tutti, zoè 1000 teste da ducati 100 fin 200, e poi il resto di la terra da ducati 8 fin 500 per una volta solamente, con il modo di elezer li X savii a tansar e li altri a tansar per le Contrade *ut in ea*.

L'altra, di sier Polo Antonio Miani, sier Alvixe Grimani, consieri, sier Cristofal Moro, sier Lunardo Mozenigo, sier Alvixe da Molin, sier Zorzi Corner cavalier procurator, sier Francesco Bragadin, savii dil Consejo, sier Marco Minio, sier Piero Trun, savii 238 a terraferma, elezer X savii a tansar tutti quelli che manca a tansar, e retansar la terra, posendo erescere sminuir le tanse, zoè fino a ducati 300, *ut in parte*; con molte clausule.

L'altra, di sier Alvixe di Prioli savio a terraferma, far le fazion o si pagi cinque per cento di quello cadaun ha et si vede *ut in parte*, e dil resto che non si vede li savii tansi.

L'altra, di sier Gasparo Malipiero savio a terraferma, che vol si stagi su le tanxe prese e consuete, et quelli mancano a tanxar siano tanxati, e fati li savii *ut in parte*.